

**Uunga siunnersuut: Nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut inatsisaat nr. xx, xx. xxx 2017-imeersoq.**  
(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

### **Akissuteqaat**

(Kommuninut, Nunaqarfinnut, Isorliunerusunut, Attaveqaqatigiinnermut Ineqarnermullu Naalakkersuisoq)

### **Aappassaaneerneqarnera**

Naalakkersuisut sinnerlugit Sanaartornermut Ataatsimiitaliaq inatsisisssatut siunnersummik suliaqarnerminut atatillugu sulilluarsimaneranut qutsavigerusuppara.

Ataatsimiitaliap suliamik matumunnga suliaqarneranut atatillugu Naalakkersuisut sinnerlugit Sanaartornermut Ataatsimiitaliaq aggersarpa, tassungalu aamma partiit Sanaartornermut Ataatsimiitaliamut ilaasortaatitaqanngitsut qaaqquneqarput. Ataatsimiitaliami ilaasortat partiillu ilaatitaasa apeqquteqaataannut akissuteqarnissamut periarfissinneqarnera nuannaarutigaara.

Sanaartornermut Ataatsimiitaliaq aappassaanneerinissaq sioqqullugu radiukkut tv-kkullu aallakaatitanik siaruarterisarneq pillugu inatsisisssatut siunnersummumt allannguutissatut siunnersuuteqartoqarnissaanik kissaateqarpoq. Immikkut ittumik akuersissuteqarsinnaanerup, § 2, imm. 4-mut ilanngunneqartup siunissami ilaatsiviuunngitsunut ilaatinneqarsinnaanera, aammalu aaqqissuussinernut pioreersunut akuersissuteqarfiunnginnissaa ataatsimiitaliamit aallaavigineqarpoq. Taamaattumik ataatsimiitaliaq allannguutissatut siunnersummik, assersuutigalugu § 1-imi suleriaatsinik atorneqareersunik aalajangiinernillu ilanngussiviusumik kissaateqarpoq.

Naalakkersuisut Sanaartornermut Ataatsimiitaliap kissaataanut isumaqataapput, aammalu radiukkut tv-kkullu aallakaatitanik siaruarterisarnermut pioreersumut immikkut ittumik akuersissuteqarsinnaanerup atorneqartarnerata sinaakkutissanut aalajangersimasunut inatsisinillu tunngaveqartunut ilanngunneqarnissaa Naalakkersuisut siunnerfigereerpaat. Taamaattumik allannguutissatut siunnersuut, radiukkut tv-kkullu aallakaatitanik siaruarterisarnermut pioreersumut ersarissumik ilaatsiviusoq Naalakkersuisut tapersorsorpaat. Kisianili radiukkut tv-kkullu aallakaatitanik siaruarterisarnerup atuutereersup § 1, imm. 2-mut ilaatinneqarnissaa naapertuitinngilaq. § 1, imm. 2-mi Namminersorlutik Oqartussat kisermaassineranni suliassaqarfiit marluk suli tiguneqarsimannngitsut, taamaattumillu Danmarkimiit maleruagassiuunneqartut ilaatinneqanngillat. Tassunga ilanngussinikkut Naalakkersuisut suliassaqarfimmot maleruagassanik aalajangersaasinnaanngillat, taamaallillunilu radiukkut tv-kkullu aallakaatitanik siaruarterisarneq maleruagassaqassanngilaq.

Taamaattumik Naalakkersuisut § 2, imm. 4-p oqaasertaliussamik uuminnga taarserneqarnissaa siunnersuutigaat: "Radiukkut tv-kkullu aallakaatitanik siaruarterisarneq ammanerulersinneqarsimavooq. Naalakkersuisut tamatumunnga maleruagassiorsinnaapput." Taamaalilluni maanna sullissisuusut ingerlaannarsinnaanissaat, tamatumalu peqatigisaanik Naalakkersuisut pisariaqartitsisoqalernerani maleruagassanik aalajangersaasinnaanissaat qulakkeerneqassaaq.

Tamatuma saniatigut Sanaartornermut Ataatsimiititaliap erseqqissaatigaa, § 36-ip oqaasertalerneqarnerata kingunerisaanik nalunaarutit, 2006 sioqqullugu suliarineqarsimasut atorunnaassasut. Oqaasertaliussap kingunissai Naalakkersuisunit eqqumaffigineqarput, taamaattumillu allannguutissatut siunnersuummik, nalunaarasuartaatitigut atassuteqarneq nalunaarasuartaatitigullu kiffartuussinerit pillugit Inatsisartut peqqussutaat naapertorlugu allaffisornermut maleruagassat atuuttut inatsimmi matumani ingerlaqqinnissaannik qulakkeeriffiusumik saqqummiussaqarput.

Taamatut oqaaseqarlunga Naalakkersuisut sinnerlugit inatsisisatut siunnersuummut allannguutissatut siunnersuutit saqqummiunneqartut akuerineqarnissaat inassutigaara.